

Vorrede.

portion des Menschen vnd Rossz / so den Kunstbegirigen / verständlich
vnd nützlich zu seyn zusammen tragen / solches auch mit allerley schö-
nen Figuren / nicht ohn grosse mühe vnd vnkosten / verfertiget / fürha-
bens / menniglich damit zu dienen / Die weil aber der Welt dienen /
vnd ohne vndanck darvon zukommen / mir schwerlich ist fürgefallen /
bin ich mit solchem Büchlein herfür zukommen etwas verzagt / vnd
dasselbig bey mir zubehalten bedacht gewesen / wo nicht E. E. W. Groß-
günstiger Herr Doctor / vnd lieber Gevatter / als dieser / wie ande-
rer freyen künst / nicht allein ein besonder liebhaber / sonder auch der er-
fahren / welches bezeugen die Figuren / so E. E. W. kurzweil halb / vnd
auch andere mehr Studia dardurch zuerleichtern / mit eigener hand
gerissen / vnd mir zusehen worden / mich mit allerley anreizungen
vnd anhaltung darneben E. E. W. geliebten Herr Vatter / Doctor
Johan Sackhard / desgleichen E. E. W. Vetter / Doctor Gaspar Sack-
hard / des Keyserlichen Cammergerichts zu E. pener Advocat vnd
Procurator / Gebrüder / vnd beyde beyder Rechten Doctores / sampt
andern Kunstliebenden meinen Günstigen Herrn vnd Freunden /
mich darvon gewandt / vnd nicht gewölt solches zu vnderlassen / de-
nen ich zu willfahren höher dann der misgünstigen tadlen geacht / vnd
darauff also bedacht / allen Kunstliebenden Werckleuten zu gefallen
solche obbemeldte beschehene arbeit treuwer guter meinung mitzuthel-
len. Jedermenniglich freundlich vnd hochfleissig bittend / solches von
mir im besten zuverstehen. Vnd aber bey denen / so gemeinem vnd
jederman zu nutz / mit ihren schriftlichen arbeiten zu dienen fürhabens /
nicht im bösem gebrauch / derselben Patronen zuerwelen / also hab ich
(mein danckbar gemüt / vmb die vielfaltige mir von E. E. W. vnd der-
selben geliebten Herr Vatter erzeigte wolthaten / die mir wirklich zu
vergeltten vnmüglich zu eröffnen) niemand anders dann E. E. W. als
dieser Kunst verständigen / vnd der solch mein arbeit vrtheilen kan /
erwehlen / vnd derselben ein Verfechter vnd Patron setzen wöllen /
Die hiemit E. E. W. ganz vnderthenig zuschreib vnd dedicire / ganz
hochfleissig vnd freundlich bittend / solches von mir im besten zu ver-
stehen / Das vmb E. E. W. bestes möglichs fleiß zuverschulden / bin ich
gantz